

Йсус Кристос самын патыс

1 Та порат Август-хон тамле саккон таратас, пот-олн ойтнэ магыс ма янытыл олнэ мир наманыл пуссын нэпакн вос хансавет. 2 Сирия мат Квириния кусяйыг олме порат усь та овыл тамле хасхатнэ нак олыс. 3 Касың хотпа рутэ самын патум усн хасхатнэ магыс минас. 4 Ущуп ос Галилея маныл Назарет нампа усныл Юдея ман минас. Ущуп Вифлеем нампа усн мйнас, Давид-хон усн. Давид тавен рутыг олыс, таймагыс Ущуп Вифлеемн минас. 5 Ущуп маньнэтэ ёт, периям нэтэ ёт, наме Мария, та усн минас. Мария тарвитыңысь няврам вармалил олыс, ты порат тэн пот ойтнэ нэпакн вос хасвесыг. 6 Вифлеем уст Мария нявраме самын патнэ пора емтыс. 7 Тох тот тав овыл Нявраме, Пыге, самын патыс. Мир хулнэ колт тананылн хуйнэ ма атим олыс, таймагыс Мария Нявраме тор кйвырн манюмтастэ ос Таве уй-хул тэнэ хуран пинумтастэ. 8 Та мат хара кант уй-хул урнэ хумыт олсыт. Эти тан танки паляныл урсыт. 9 Илттыг Торум ангелэ тан палтаныл нэглис ос Торум пос тан мувлахияныл постаяс. Паля аня урнэ хумыт хот-рохтысыт. 10 Ангел лавыс: «Ул пилэн! Ам нананын мир магыс ос яныг, ёмас, сйгтальниң ляххал тотсум! 11 Ань Давид-хон уст нанан вестуңкве няврам самын патыс. Ты Кристос Тав. 12 Тыт-ты ваелын: уй-хул тэнэ хура кивырт торыл манигтым Няврам хонтэлын!» 13 Ос илттыг торумныл ангел палт хонт ангелыт ёхтыгпасыт. Тан Торум янытласаныл ос сягтым рохсыт: 14 «Торум нумын янытлылув! Ос ма янытыл мир роттыг ос пуस्ताгыл олэн! Торум ма янытыл олнэ мир сака эруптыянэ». 15 Ангелыт похан минасыт, торум нупыл соймысыт. Уй-хул урнэ махум танки халанылт потыртасыт: «Ман Вифлеем усн минэв ос сунсэв, маныр нак тот емтыс. Торум кетум ангелыт маныр лавсыт». 16 Тан тув молямтахтасыт. Тот Мария ос Ущуп хонтсаганыл, хурат хуйнэ Няврамакве ос хонтсаныл. 17 Уй-хул урнэ хумыт та Няврам касаласаныл, тонт тан ты Няврамакве урыл ангелыт лавум латың лавсаныл. 18 Пуссын хунтлум махум

уй-хул урнэ хумытн лавим ляххал хулсаныл, осятахтыгласыт. 19
Мария ты латҕыт пуссын сымн висанэ, номтын висанэ. 20 Уй-хул
урнэ хумыт ювле-минасыт. Тан хулыглам латҕаныл магыс,
васинтам наكانыл магыс Торум янытласаныл, эсгысаныл. Хумус
лаввесыт, соль тох та олум.